



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Tribunal Distrital Baucau

11 Juñu 2014

Tribunál Distritál Baucau hala’o prosesu julgamentu liu oras servisu normal

Iha 10 Juñu 2014, Tribunál Distritál Baucau hala’o prosesu julgamentu liu-tiha oras servisu normal to’o tuku 19:20 hodi julga kazu neen (6) ne’ebé tama ona iha oráriu julgamentu iha tribunál refere.

Kazu 6 ne’e involve krime omisídiu negligente 1, ofensa ba integridade fízika 1, danu agravadu 1 no kazu 3 seluk involve ofensa ba integridade fízika simples ho natureza violénsia doméstika. Hosi prosesu ne’e, tribunál konklui prosesu ba kazu 3 no kazu 3 seluk sei kontinua prosesu.

“JSMP haksolok hodi hare katak tribunál hatudu sira nia responsabilidade no seriedade ba knaar ne’ebé sira kaer hodi garantia justisa ba ema hotu. Ne’e manifeta responsabilidade institucional ne’ebe ita hotu tenke apresia ba sira nia dedikasaun ne’ebe sira oferesa atu aseguara justisa ba povu,” dehan Diretór Ezekutivu JSMP, Luis de Oliveira Sampaio.

JSMP hanoïn katak autór tribunál sira tantu juis, prokurador, defensor públiku ka advogadu privadu, inklui ofisial justisa sira hamutuk ho funsionáriu tribunál sira hatudu sentidu responsabilidade ba knar ne’ebé sira kaer. Realidade ne’e, laos primeriaves, maibé dalabarak ona, JSMP observa katak autór judisiariu sira sempre dedika sira nia-an liu-hosi oras servisu normal atu atende justisa ba povu ne’ebé to’o ona iha tribunál. JSMP observa katak julgamentu hanesan mós akontese iha Tribunál Distritál Dili, Suai no Oe- cusse.

JSMP hein katak prátika hanesan ne’e bele eziste mós iha instituisaun públiku sira seluk atu aseguara katak povu hot-hotu hetan atendentu nesesariu tuir situasaun no difikulidade ne’ebe sira infrenta.

Audiénsia julgamentu ba kazu hirak ne’e prezide husi juis singulár Dr. Jose Gonçalves, Ministériu Públiku reprezenta husi Dr. Pascasio de Rosa Alves no arguidu sira hetan defeza husi advogadu privadu Dr. Pedro Aparicio nomós Dr. Juvinal Yanes husi Defensoria Públiku.

Atu hetan informasaun kle’an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Facebook: www.facebook.com/timorleste.jsmp

Twitter: @JSMPtl